



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

De Eodem.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

gratissimæ de omni terræ fructu, reddis de panis & vino. *Obtulit panem & vinum Melchisedech & benedixit Abrahamo, Turnite nobis benedictionem. Mediator & DEI & hominum agere nostram causam apud DEUM; multorum rei sumus, multis egemus. Simeon Luc. 2. Accipiens in manus benedixit Domino, & simul gentibus lumen annuntiavit & gloriam plebi Israël, impetra nobis lumen, ora pro gloria. De Josepho Patriarcha scribitur, quod habuerit scyphum, de quo augurari solebat, hoc est, bona precari: habes in manu calicem, augurare nobis. *Hic est calix novum testamentum* in sanguine Christi, proinde calix gratiæ, calix redemptionis captivorum, calix salutaris Domini, calix JESU. Augurare nobis hæc omnia, hic calix unionis, quia ex multis uvis conficitur unum vinum, sicut unus panis ex multis granis, impetra nobis pacem cum DEO & inter nos ipsos. Hic calix in pignus amoris nobis relictus, precare ut sicut à Christo amamur, ita illum vicissim amemus. Augurare & hæc & plurima alia & dum illum sumendo dices, *Calicem salutaris accipiam, & nomen Domini invocabo.* Etiam pro nobis hoc nomen Sanctum invoca, ut in nomine illius prosternamus inimicos, ut nomen Domini sit nobis turris fortitudinis, nomen ejus sit in nobis benedictum.*

De Eadem Fragmentum.

DEUS cujusvis rei amat offerri sibi primitias. Multò magis gratum erit illi primum Sacrificium. Proinde si ob primitias fructuum benedicebat, ob primam Missam multò magis, maximè cum Sacerdoti magnus aliundè ad DEUM pateat accessus. Ad hoc enim illum DEUS destinavit, ut nobis beneficeret, & beneficeret. Ille enim nos à peccato originali per Baptismum liberat, peccata actualia post Baptismum contrahentia,

Æta, quod non potest facere Angelus, dimittit, ex quo, plus
 est quàm si nobis DEUS visibilem daret Angelum ut ad eum
 in nostris necessitatibus recurramus. Pascit verbo DEI &
 cibo Angelorum. Ipse claves regni cœlorum habet, cui aperit,
 ille ingreditur. Quodsi honorandi sunt Parentes qui nobis
 fuerunt causa nascendi. Et Exod. 21. *Qui maledixerit Patri
 vel Matri, morte moriatur*, quantò magis Sacerdotes? Similes
 sunt B. Virgini. sicut illa dictis verbis, *Ecce ancilla Domini fecit
 Christum incarnari*, ita Sacerdos dictis verbis. *Hoc est Corpus
 meum*, &c. Facit Christum subintare species panis & vini.
 Hinc dæmon coram S. Remigio genua flectebat, & id se face-
 re passus propter honorem Sacerdotis, quòd in eo erat. Num.
 16. *Contumebetur populus igne à DEO misso, & dixit Moyses
 ad Aaron tolle thuribulum, & hausto igne de Altari mitte incensum
 desuper pergens citò ad populum ut roges pro eis.* Ipse Moyses
 recurrit ad Sacerdotem. Josue 3. *Cùm ingressis Jordanem Sa-
 cerdotibus stetit aqua.* Origen. in Josue 4. non solùm arcam
 reverita, sed & Sacerdotes. Designavit DEUS pro asylo
 reis urbes Sacerdotum. Philo lib. 3. de vita Moysis. ut hinc
 pateret honor Sacerdotum. Præscripsit illis pro ornamen-
 to capitum cydarim, genus diadematis tanquam Regibus ut.
 Philo. l. c. *Quia Sacerdos non solùm cunctis hominibus est emi-
 nentior, sed & Regibus* Hinc etiam vitia Sacerdotum tantope-
 re DEUS æstimat, ut dixerit Hieron. Epist. ad Sabinianum.
*Propter Heli filios locus tabernaculi subversus est, & propter vitia
 Sacerdotum, DEI tabernaculum destitutum est.* Vicissim ita il-
 lorum honorem tuetur, ut Cyp. Epist. 3, lib. 1. in illa Matth.
 5. *Qui dixerit Fratri suo fatue &c. Quomodo possunt censu-
 ram DEI ultorus evadere, qui talia ingerunt, non solùm Fratibus,
 sed & Sacerdotibus, quibus honor tantus de DEI dignatione con-
 ceditur, ut quisquis Sacerdoti ejus non obtemperaret statim neca-
 retur*

retur

retur Deut. 17. *Quicumque non exaudit Sacerdotem morte moriatur.* Unde Samueli dicit 1. Reg. 8. *Non respereverunt sed me.* Et ratio potest esse ex Ambr. lib. 3. de Virginibus. *Ubi ergo Christus quaritur? in pectore prudentis, id est, Sacerdotis.* Angelus est Sacerdos. Greg. hom. 7. *Utinam non ad iudicium nostrum dicamus, quia omnes qui Sacerdotis nomine ceñentur, Angeli vocantur Malach. 1. Labia Sacerdotis &c.* Sed & Angeli ministrant Sacerdoti. Ita scribit de S. Ghrystomo S. Nilus Epist. ad Anastas. Episc. *Joannes Sacerdos Ecclesie Constantinop. videbat domum DEI refertam Angelorum cœtu & tum inprimis cum Divinum & incruentum Sacrificium offerebatur. Cùm capisset Sacerdos Sanctum Sacrificium, plurimæ statim ex beatis illis virtutibus de cœlo descendentes, stolis induta splendidissimis, nudis pedibus, intentis oculis prona, Altaro magno cum silentio & reverentiâ, quoad venerandum illud mysterium exploratum fuit, circumsteterunt. Deinde huc illuc per totam Domum diffuse, Episcopis, & Presbyteris & Diaconibus distributionem corporis & pretiosi sanguinis administrantibus adhererunt, satagentes & sedulo adjuvantes.*

Ad Curam habentes Animarum.

DEScribit Ezech. 11. malum Pastorem Dominus. *Sunt tibi vasa Pastoris stulti, pro pastorali gladium, pro esca venenum.* Et ibidem addit. *O Pastor & idolum derelinquens gregem, gladius super humerum ejus.* Talis pastor erat Cain Gen. 4. *Nunquid ego sum custos Fratris mei? Custos es qui curam suscepisti Custos quid de nocte? dum alii velut in nocte dormiunt in peccatis tu Clama, ne cesses, quasi tuba ex alta vocem tuam, si non clamaveris, anima tua erit in periculo si quæpiam anima perierit nullius te auctoritas deterreat ne contingat quod*
scribit